

Discografia di grabacionnan di añanan '30 pa '60 biniendo cla



ORANJESTAD(AAN): -- Dentro di corto, e discografia completo di grabacionnan Arubiano y Antiyano di e periodo 1930-1960 ta keda cla.

Actualmente, e Hulandes Tim de Wolf ta bezig ta rond af e trabao riba e inventarizacion di disconan di artistanan Arubiano y Antiyano.

E discografia ta completo cu informacion tocante e musicantenan, e lugar y fecha riba cual e grabacion a socede y otro circunstancianan importante.

Tur esaki cu un registro riba titulo y compositor.

E discografia ta interesante no solamente pa musicantenan, compositornan y profesionalnan riba tereno di historia y cultura, pero pa tur hende cu ta stima musica Arubiano y Antiyano.

E repertorio den e discografia ta refleha e rikeza cultural di Aruba y Antiyano.

Casi tur ta composicionnan di Arubiano- y Antiyanonan, toca pa orkestanan Arubiano y Antiyano.

Di e prome grabacionnan di Wim Statius Muller, canticanan di mucha di Nilda Pinto, musica di baile di Orkesta Concordia y Conhunto Cristal, musica di piano di Padu

del Caribe y Edgar Palm te tambu di Cola y Peto.

Drs. Tim de Wolf a haya su interes pa musica di Aruba y Antiyas hopi aña pasa.

El a cuminsa colecciona disconan y durante añanan, a logra pa yega na un coleccion bastante grandi.

Na dado momento, el a dicidi pa haci un inventarizacion di musica Arubiano y Antiyano di decadanen '30 pa '60.

El a biaha varios vez pa Aruba y Antiyas pa haya informacion y a ripara cu e trabao di demasiado pa haci den su tempo liber.

El a pidi subsidio di Prins Claus Fonds pa Cultura y Desarojo pa haya fondo pa por dedica su mes completamente na traha e inventario.

Den añanan '30 te '60 tabata tin varios studio activo na Aruba y Antiyas Hulandes.

Curacao tabata tin dos studio entre 1947 y 1955, esta Hoyco di Horacio Hoyer y Musika di Thomas Henriquez.

Na Aruba, Rufo Wever y Padu Lampe tabata tin nan label Padu.

Ademas di esakinan tabata tin labelnan chikito manera

CRC, Arco y Benarsa, mientras cu den añanan '30 y '40, companianan grandi manera Brunswick, Colombia y RCA a graba composicionnan di Curacao.

En total, 2000 disco a wordo graba entre '30 y '60.

Dentro di corto, señor De Wolf lo viaha pa Curacao y Aruba pa haci e ultimo entrevistanan cu e mester y trata di haya mas data ainda.

E lo tin un instalacion di haci grabacion cu ne cu cual

e por graba disconan cu ainda e no tin.

Su deseo ta pa topa hende cu tin disconan di marcanan Hoyco, Musika y Padu y otro labelnan pa e por graba nan.

E hendenan no tin mester di parti di nan disconan como cu e lo graba nan aki na Aruba mes.

Tambe e lo kier topa hende cu tin conocimiento tocante grabacionnan y studionan di antes y cu musiconan di esten.

E tin hopi pregunta ainda y ta interesa pa topa cu hende cu por contesta nan pe.

E tin deseo alavez pa topa cu amantenan di musica pa comberza y intercambia idea.

Señor De Wolf lo ta na Aruba di prome te 21 di Augustus y lo ta alcanzable via cas di Padu Lampe.

Riba foto, Tim de Wolf.

ACCION DI LIMPIEZA TA NA CAMINDA CABA

ORANJESTAD [AAN] Como 1998 ta e "Year of the Ocean", preparacion nan pa un Aruba Perrier Reef Care Clean Up mas grandi y mas mihor ta na caminda caba. E accion di limpieza, cu ta parti di Aruba Perrier Reef Care Project 1998, lo tuma lugar e aña aki riba Juli 4 y 5. Expectativanan ta pa mas cu 400 voluntario lo participa, yudando asina pa haci limpi e lugarnan di buceo y beachnan n'e parti zuid y west di su costa.

Organisadornan, Castro Perez, di Aruba Tourism Authority, cu a cuminsa cu e evento, y Byron Boekhoudt, di Santa Rosa (DLVV), ta trahando actualmente pa pone e toquen final na loke nan ta spera lo ta un otro accion di limpieza y campaña di conscientisacion exitoso.

Tanto e visitantenan y residentenan local ta invita pa bira voluntario pa e evento.

Operadornan di buceo lo guia buceadornan certifica y snorkelers na e sitionan y gruponan pa haci beach limpi.

tur voluntario lo ricibi un T-shirt, un lunchbox y lo por participa den rifanan pa varios premio.



Oportunidad pa Trabao

Burger King ta busca pa su restaurantnan

KEUKENBEDIENDEN

Interesadonan por pasa personalmente na Burger King Oranjestad pa jena formulario. Mester ta Arubiano pa solicita

Candidatanan pa Miss Universe Aruba rumbo pa Venezuela

ORANJESTAD (AAN): Preparacion di e candidatanan pa Miss Universe Aruba ta sigui. Diadomingo nan a celebra nan Dia di Famia, combina cu wegan di vertido. Dia 11 di Juni venidero nan lo viaha pa Venezuela.

Nan lo presenta e ora den e programa di Sabado Sensacional di Venevision. Na Aruba lo por mira e programa aki riba Diasabra 13 di Juni. Nan lo ta regresando Aruba, dia 14 di Juni.

Gasparito
RESTAURANT - ART GALLERY

Cena Special
pa solamente Afl 35=

Reservashon

867044 - 867144

Habrie tur dia excepto Diadomingo
di 5:00 pm - 11:00 pm

NOW OPEN FOR LUNCH